

2. *Pycnoderes angustatus* n. sp.

Subelongatus, piceo-niger, nitidus, capite basi pronoti circiter $\frac{2}{5}$ angustiore, marginibus frontis ad oculos testaceis, interdum capite toto, vertice excepto, testaceo; pronoto fortiter punctato, latitudini basali saltem aequae longo, circiter $\frac{2}{5}$ apicalibus collum parallelum formantibus, lateribus dein subito retrorsum ampliatis, callis majusculis, elevatis, nitentibus, medio retrorsum convergentibus, disco tumido-convexo, postice utrinque prope angulos distinctissime, medio parum impresso, margine basali late sinuato; scutello convexiusculo, punctato, parte apicali coarctata pronoti parum brevioris; hemielytris pronoto vix latioribus, nigro-fuscis, opacis, tenuiter flavo-pubescentibus, embolio sat late explanato, hoc, macula adjectante anguli exterioris corii, cuneo, nec non areola minore maculaque majuscula membranae fuscae infra apicem cunei posita dilutissime flavicanti-albidis; macula magis minusve distincta mox infra tertiam apicalem partem embolii ipsoque margine apicali embolii et corii infuscatis, cuneo apice tenuiter fusco-marginato; rostro, antennis pedibusque cum coxis albido-flaventibus, articulo secundo antennarum margine basali pronoti circiter $\frac{1}{4}$ brevioris, articulis duobus ultimis, basi tertii excepta, fuscis. Long. $3\frac{1}{3}$, lat. $\frac{3}{4}$ mm.

Montego Bay, Mandeville.

P. pallidirostri Stål affinis et similis, statura angustiore et graciliore, parte apicali constricta pronoti longiore, disco postico pronoti magis nitido et minus crebre punctato coloreque antennarum distinctus.

3. *Bryocoris minutus* n. sp.

Piceo-niger, nitidus, tenuissime pallido-pubescentis; capite basique abdominis testaceis vel picescenti-testaceis; hemielytris, rostro, articulis duobus primis antennarum pedibusque flavo-testaceis, clavo ad maximam partem, corio fascia apicali cuneoque angulo interiore nigro-piceis; membrana fumata, venis nigro-piceis; antennis articulo secundo basi pronoti fere $\frac{1}{4}$ brevioris; pronoto strictura apicali tenui, callis